

## Universitätsbibliothek Paderborn

**Ioannis S. R. E. Cardinalis Bona Opera Omnia**

Tribus Tomis comprehensa

De Divina Psalmodia, Ejusque Causis, Mysteriis, Et Disciplinis, deque variis  
Ritibus omnium Ecclesiarum in psallendis Divinis Officiis, Tractatus,  
Historicvs, Symbolicvs, Asceticvs. Sive Psallentis Ecclesiae Harmonia -  
Opus novum, & curiosum, ac multiplici eruditione illustratum ... Operum ...

**Bona, Giovanni**

**Parisiis, 1678**

§. 7. Quid sit Devotio, qui ejus effectus, & efficacia. Tum novem  
documenta ingeruntur ad eam comparandam, & conservandam.

**urn:nbn:de:hbz:466:1-9929**

rumque ob continuam luctam , ob cognitionem , & depressionem sui auget meritum , duplicat coronam . Beata Virgo Maria apud <sup>l</sup> Blosum in Monili spirituali S. Brigitæ dixisse fertur ; **Quacunque tentatione pulsaris inter orandum , persiste in bona voluntate , & conatu sancto , sicut commode potes , quia desiderium , & conatus tuus pius reputabitur pro effectu orationis . Etiam si pravas , ac sordidas cogitationes , quæ cordi tuo incident , ejicere non poteris , tamen pro illo conatu coronam in cœlo recipies : ita tibi proderit illa molestia , modò non consentias temptationi , & tibi dispiceat quod indecens est Hæc de attentione , quæ ad intellectum pertinet , nunc voluntas devotionis fervore excitanda est .**

## §. VII.

*Quid sit devotio , qui ejus effectus , & efficacia . Tum novem documenta ingeruntur ad eam comparandam , & conservandam .*

I. **D**evotionem à verbo *devoveo* deduxere Latini , quod destinare , consecrare , vel dedicare significat . Virgilius , Quorum se devovet aris . Priscianus , Tibi devoveo hoc opus . Suetonius in Cæsare ; Devotissimos sibi milites reddidit . Legimus , & de votorum carmen apud Livium , & Macrobius , quale fuit illud Deciorum , qui se pro patria devoverunt . Sed quocunque sensu hac olim voce uterentur Latini , jam ex usu Christianorum profano vocabulo sanctitas , & veneratio accessit , sumiturque devotio pro peculiari quadam propensione animi ad Deum , & res divinas . ( a ) Auctor libri de spiritu , & anima inter opera Augustini , Devotio , inquit , est pius , & humilis affectus in Deum : humilis ex conscientia infirmitatis

<sup>l</sup> Blof. Monil. c. 3. a de spiritu , & anima cap. 5

propriæ, pius ex consideratione divinæ clementiæ. Affectus autem est spontanea quædam, ac dulcis ipsius animi in Deum inclinatio. D. (b) Thomas veræ sapientiæ Antistes, Devotio, ait, nihil aliud esse videtur, quam voluntas quædam promptè se tradendi ad ea, quæ pertinent ad Dei famulatum. (c) Richardus Victorinus; Quid aliud est devotio, nisi fervida mentis in Deum directio? Hæ devotionis descriptiones muliercularum, hominumque simplicium convincunt errorem, existimantium in sensibili quadam dulcedine, & compunctione, ac teneritudine cordis veram consistere devotionem, cum hæc omnia Doctor Angelicus inter effectus devotionis enumeret; ipsa vero specialis quidam actus sit pertinens ad Religionem. Per devotionem docet (d) Seraphicus Doctor omnē bonum in cor nostrum immitti. Per hanc enim zelus justitiæ acceditur, pietas compassionis infunditur, patientia robatur, exemplum bonum conditur, discretio clarificatur. Hæc est unctio spiritus docens omnia quæ expediunt saluti; hæc mentem illuminat, inflamat affectum, actiones ordinat ad virtutem, mores componit, firmat fidem, fiduciam erigit, accedit amorem, ad divinam elevat amicitiam, orationem impinguat, dat in adversis constantiam, in prosperis humilitatem, delet peccata, sublimat merita, fugat dæmones, lœtificat Angelos, ædificat proximos, instruit errantes. Arida est omnis Religio, quæ aqua devotionis non irrigatur: corruit omnis structura bonorum operum, ni hoc munimine fulciatur: hujus olei pabulo deficiente fatuarum virginum lampades extinguntur. Ergo devotioni studiosè incumbendum est, quæ cum difficilis acquisitu sit ob naturæ corruptionem, ob pravos habitus, & dæmonum pervicaciam, seligenda quædam adjumenta sunt, quæ præsidio nobis sint.

b Th. 2. 2. q. 81. ar. 1 c Rich. de crud. int. hom. lib. 2. c. 9. d Bonay de sextalis Seraph. cap. ult.

ad eam facilius comparandam, & tenacius possiden-  
dam.

II. Fervens autem, & efficax ejusdem devotionis  
desiderium prima loco statuendum est. Initum enim  
sapientiae concupiscentia ejus, & invenitur ab his,  
qui querunt illam: præoccupat, qui se concupiscunt,  
ut illis se prior ostendat. Visitat Deus animam queren-  
tem se, ait (*e*) Bernar. quæ tamen ad querendum to-  
to se desiderio & amore devovit. Et hoc signum adven-  
tus ejus sicut ab eo qui expertus est, edocemur: *Ignis*  
*ante ipsum præculet,* & *inflammabit inimicos ejus.* Opor-  
tet namque ut sancti desiderii ardor præveniat faciem  
ejus ad omnem animam ad quam est ipse venturus,  
qui omnem consumat rubiginem vitiorum, & sic præ-  
paret locum Domino. Et tunc scit anima, quoniam  
juxta est Dominus, cum se senserit illo igne succen-  
sam, & dixerit cum Propheta, (*f*) *De excelso misit ignem*  
*in ossibus meis,* & *erudit me.* Et illud, (*g*) *Concaluit*  
*cor meum intra me,* & *in meditatione mea exardescet ignis.*  
Tali animæ suspiranti frequenter imò sine intermissio-  
ne oranti, & afflanti se præ desiderio, cum interdum  
desideratus ille, qui ita queritur misera us occurrit,  
puto illi de propria experienti convenire, ut dicat cum  
sancto Hieremia, (*h*) *Bonus es Domine speranibus in te*,  
*animæ querenti te.*

III. Secundum adjumentum, custodia cordis est.  
Sic præcipit sapiens, (*i*) *Omni custodia serua cor tuum,*  
*quoniam non ab ipso vita procedit.* Nempe res cordis est, ait  
rursum (*k*) Bernardus, gratia devotionis, & hoc mu-  
nere se fraudat, qui internum ei dissimulat receptacu-  
lum exhibere. Sed à quibus custodiendum est cor? Ab  
inutilibus cogitationibus, & ab afflictibus terrenis. De  
cogitationibus hæc (*l*) Richardus: Hi sunt vere de-  
votionis socii inseparabiles, circumspectæ, discretæ,

*e* Bern. Serm. 31. in Cant. *f* Bern. 2. 13. *g* Psalm. 38. *h* Thren. 3. 15. *i* Prov.  
4. 23. *k* Bern. Serm. de tripl. custodia. *l* Rich. de erud. inter. hom. lib. 1. c. 3.

& providæ cogitationes. De affectibus sic (*m*) Cassianus : Non enim perfectio statim nuditate , aut privatione omnium facultatum , seu dignitatum abjectione contingit , sed cordis puritate , hoc est corde intacto à cunctis perturbationibus. Item (*n*) Prosper in sententiis : Qui supplicaturus Deo locum aptum , & sanctum requiris , interiora tua munda , & omni inde mala cupiditate depulsa præpara tibi in cordis tui pace secretum. Volens in templo orare , in te ora : & ita age semper , ut Dei templum sis. Ibi enim Deus exaudit , ubi habitat.

IV. Tertium adjumentum , jugis Dei memoria , sicut scriptum est , (*o*) *Memor fui Dei , & delectatus sum :* Et alibi , *Providebam Dominum in conspectu meo semper , propter hoc latatum est cor meum.* Oritur hoc ex præcedenti , Domino attestante , qui dicit , (*p*) *Beati mundo corde , quoniam ipsi Deum videbunt.* Beatus (*q*) Ephræm hanc doctrinam stabiliens , ait , Continua Dei recordatione turpes animæ passiones recedunt , instar maleficorum Prætore accedente : ubi verò memoria Dei abest , ibi tenebræ cum fœtore dominantur , omnisque res improba exercetur.

V. Quartum adjumentum , frequens usus aspirationum , quibus tanquam subjectis lignis in altari cordis ignis devotionis succenditur , & conservatur. Sunt autem aspirationes , crebræ quædam , sed brevissimæ orationes , quas nonnulli jaculatorias vocant , quia tanquam jacula velociter currunt , & subtiliter penetrant. De his (*r*) Augustinus ad Probatum sic scribit , Dicuntur fratres in Ægypto crebras quidem orationes habere , sed eas tamen brevissimas , & raptim quodammodo jaculatas , ne illa vigilanter erecta , quæ oranti plurimum necessaria est , per productiores moras evanescat , atque hebetetur intentio.

*m* Cassian. coll. 1. *n* Prosp. sent. 334. *o* Psalm. 76. Psalm. 15. *p* Matth. 5. 8.  
*q* Ephr. lib. de virtute cap. 10. *r* August. epist. 121.

**VII.** Quintum adjumentum præbet lectio spiritua-  
lis. Quæcunque enim scripta sunt, ad nostram doctrinam  
scripta sunt: & ut ait (*f*) Isidorus, qui vult semper  
esse cum Deo, frequenter debet orare, frequenter &  
legere: nam cum oramus cum Deo ipsi loquimur; cum  
verò legimus, Deus loquitur nobiscum. Hanc sacrarum  
lectionum utilitatem sanctus Abbas (*t*) Aëlredus his  
verbis confirmat; Sacra Scriptura ager est, in quem  
sanctus (*u*) Isaac inclinata jam die pergit ad meditan-  
dum, ubi ei occurrens Rebecca, illum qui acciderat,  
sua lenit suavitatem dolorem. Quoties mihi, Jesu bone,  
dies vergit in vesperam, quoties parvæ alicui consola-  
tioni quasi diurnæ luci intolerabilis dolor nocturna ca-  
ligo succedit, vertuntur in fastidium omnia, oneri sunt  
cuncta quæ video. In modum silicis cor obduratur,  
hæret lingua, oculorum vena siccatur. Quid tunc?  
Exeo sanè ad meditandum in agro, sacrum revolvo  
codicem, meditationes meas ceris imprima, cum su-  
bitò mihi occurrens Rebecca, tua scilicet gratia, Jesu  
bone, sua luce tenebras discutit, pellit fastidium, du-  
ritiam frangit, mox suspiriis succedunt lacrymæ, la-  
crymas cœlestis gaudium comitatur.

**VIII.** Sextum procedit è sensuum exteriorum custo-  
dia. Nam ut scribit doctus, & antiquus Abbas (*x*)  
Berengosius, nisi ad exemplum legalis Sacramenti pri-  
mogenitum hominis redimamus quinque siclis argen-  
ti, hoc est quinque sensuum custodia, nihil nobis  
quinque vulnerum Christi profecere vibices, quibus  
in ara crucis quinque sensuum nostrorum voluit sana-  
re cicatrices. Refert Pelagius inter dicta sanctæ Syn-  
cleticæ istud; Sobriè vivamus, quia per sensus corpo-  
ris nostri fures ingrediuntur. Sic perimus miseri, &  
mortem per fenestras intrantem, voluptatis larva per-  
sonatam excipientes, illud postea magno errore de-  
cepti cantillamus. (*y*)

*f* Isid. l. 2. Sent. c. 8. *t* Aëlred. in c. 15. *u* Isai. ser. 26. *x* Bereng. l. 1. d.  
Laude S. Crucis cap. 6. *y* Virg. ccl. 8.

*Vt vidi, ut perii, ut me malus abstulit error.*

Sed serd sapiunt Phryges. Semel enim amissa ob licen-  
tiosam sensum evagationem gratia devotionis, non-  
nisi post longos labores, & continuum fletum, ac fer-  
ventissimas deprecationes recuperatur.

VIII. Septimum gignit solitudo. *Ducam eam in so-*  
*litudinem, dicit Dominus per Oseam (z) & ibi loquar*  
*ad cor ejus. Hortatur ad hanc devotissimus (a) Ber-*  
*nardus: O sancta anima sola esto, ut soli omnium*  
*serves te ipsam quem ex omnibus tibi elegisti. Fuge*  
*publicum, fuge & ipsos domesticos: secede ab ami-*cis, & intimis, etiam & ab illo qui tibi ministrat. An**

*nescis te verecundum habere sponsum, & qui nequa-*  
*quam suam velit tibi indulgere præsentiam præsen-*  
*tibus cæteris? Secede ergo, sed mente, non corpore,*  
*sed intentione, sed devotione, sed spiritu. Idem ali-*  
*bi scribit solitudinem esse negotiorum cœlestium apo-*  
*thecam, per quam in Paradisum ingressi sunt quo-*  
*quot ad culmen perfectionis ascenderunt. Sanctus quo-*  
*que (b) Guerricus Abbas solitudinem vocat auditio-*  
*nem Spiritus sancti. O solitudo Deo dicata, exclamat*  
*(c) Laurentius Justinianus, quam amabilis es, & quam*  
*ardenti desiderio concupita ab his qui noverunt te!*  
*Tu namque humilitatis es speculum, tu divini amoris*  
*custos, tu propriæ cognitionis magistra, tu scientiæ*  
*schola, testis conscientiæ, futuræ felicitatis imago, ac-*  
*cusatrix scelerum, vitiorum detectrix, veritatis ama-*  
*trix, innocentia decus, secretorum cœlestium cogni-*  
*trix, contemplationis præventrix, origo compunctionis,*  
*cœli scala, latitudo maxima, orationis portus,*  
*tranquillitatis habitaculum, passionum spiritualium*  
*interemptrix, pervigil mentis custodia, non dormitans*  
*affectio, prudentiæ comes, discretionis oculus, latens*  
*profectus, dulcedo cordis, spei fons, sponsi cœlestis*

*z Ose 2. 14. a Bern. serm. 40. in cant. b Guerr. serm. 4. de Adven-*  
*tu. c Justinian, lib. de Vita solit. c. ult.*

receptaculum , Dei , & hominum mediatrix . O quam  
præcelsa sunt præconia tua solitudo sancta , tutæ divi-  
tæ , laudabilis actio , successus latus , secura possessio ,  
convivium juge , ac delicata cibaria ! Frequentissimè  
sapientiæ illustraris radiis , gaudio perfunderis , elevaris  
in cœlum , & pace repleris . Sinum quippe tuum di-  
latas , & jucundissimè suscipis humiles , mente paci-  
ficos ; orationi instantes , devotionis avidos , atque gu-  
stu sapido divina gustantes .

## METRUM XLVIII.

**O** Solitudo mentibus.  
Orantium gratissima!  
O vera cordis suavitas.  
Ignota vulgi sensibus!  
Ut te require , & expeto.  
Turbam perosus improbam !  
Hic , hic serena spiritus.  
Aspirat aura pectori.  
Hic nullus auditur fremens.  
Tumultuantum fragor.  
Hic corda nullus inquinat.  
Vapor , vel umbra criminis.  
Campi sonant hic mellicis.  
Psallentium concentibus.  
Hic Angelorum cœtibus.  
Immixtus , & vindex sui  
Sapiens , quietam transigit.  
Vitam procul negotiis ,  
Curis procul nocentibus ,  
Solutus omni jurgio .  
Hic alta vitans curia  
Potentioris limina ,  
Innoxios dicit dies  
Inanis expers ambitus .

*Hic lucra conscientia  
 Quadrante justo computans  
 Studet mereri fletibus.  
 Amissa Cœli gaudia.  
 Optet superba culmina.  
 Opes, domosque splendidas  
 Quicunque vult: me nescium.  
 Fraudis juvat silentium,  
 Me solitudo, me quies  
 Abscondat ignotum omnibus.  
 Deoque soli cognitum.  
 Hoc scire demum, hoc vivere est,  
 Sibi, Deoque vivere.*

**IX.** Octavò juvant devotionem opera misericordia, quia (d) *Charitas operit multitudinem peccatorum: & qui inebriat, ipse quoque inebriabitur.* Juvant corporales afflictiones, quia *caro concupiscit adversus spiritum: & caro, & sanguis regnum Dei non possidebunt.* Juvat certum tempus quotidie feligere, quo quis devotioni diligenter insistat. Juvat & ea omnia severissimo examine discutere, quæ vel ipsam devotionem conservare possunt, vel impedire. Quantum potes, te ipsum arguit quidam (e) sapiens, deprehendas te oportet, antequam emendes.

**X.** Nonum denique adjumentum perseverantia suppeditat. Perseverantia, inquam, in spiritualibus exercitiis semel assumptis, ut non temerè mutentur, ut sine causa non omittantur, ne ultra præscriptum tempus differantur. Fastidientis stomachi est multa degustare, & saepius mutatum pharmacum non sanat, sed turbat: saepius transflata arbor non proficit, sed arescit. Nullum certum exercitium habere, sed quasi folium, quod vento rapitur, per diversas operationes divagari, signum est animi ad vitam spiritualem prorsus inepti. Omnia quidem probanda, sed tenendum quod bonum est.

d 1. Petr. 4. 8. Prov. 11. 25. Gal. 5. 17, 2. Cor. 15. 50, & Seneca. ep. 48.

Nam quæ virtus coronam, quod opus laudem meretur, si desit perseverantia? Dicam omnibus, quod suis Januensibus scripsit (f) Bernardus. Abique perseverantia, nec qui pugna victoram, nec palmam vicitor consequitur. Vigor virium, virtutum consummatio est, nutrix ad meritum, mediatrix ad præmium. Soror est patientiae, constantiae filia, amica pacis, amicitiarum nodus, unanimitatis vinculum, propugnaculum sanctitatis. Tolle perseverantiam, nec obsequium mercedem habet, nec beneficium gratiam, nec laudem fortitudo. Denique non qui cœperit, sed qui perseveraverit usque in finem hic salvus erit. Hæc fide sunt, quæ devotionem in nobis gignunt, & conservant: sed eardem multa quoque sunt, quæ impediunt, & extinguant, de quibus consequenter agendum est.

## §. VIII.

*Quæ sint impedimenta devotionis. Interioris, & exterioris hominis pugna, & humanae calamitatis deploratio. Oratio ad impeirandam gratiam devotionis.*

I. **P**rimum devotionis impedimentum, sunt peccata venialia, quia, ut (a) Laurentius Justinianus docet, prius vita commendabilis habenda est, deinde devotio. Minimunt siquid in veriales culpæ charitatis fervorem, obscurant conscientiae lumen, contristant Spiritum sanctum.

Secundum ex conscientia scrupulosa oritur, gignit enim inconstantiam animi, mentis perturbationem, nebulas intellectus, cordis inquietudinem, omnemque devotionis suaviatem confundit.

Tertium ex cordis amaritudine nascitur, quæ fontem dulcedinis exsiccat charitatis unitatem scindit, hostis est concordiae, inimica pacis, nutrix contentionum.

f Bern. epist. 129. a Laur. Just. de disc. mon. convers. c. 19.